

## **Ilaqutariinnut sanngiiffilinnut nukissaqarnerulerneq**

Decemberi 2017

.....*Meeqqat Ikiortigit qulequtsiullugu suliniummi siulersuisuunerit check-imik 32.575,00 koruuninik aningaasartalimmik STARK-ip immikkoortuata pisortaanit tunineqarput. Aningaasat ilaqutariit sanngiiffillit ataatsimoornissaannut ikorfartuinissamut atorreqassapput.*

## **Meeqqat imminnut tatiginerat pitsaasunik sammisaqartitsinikkut nukittorsarneqassaaq**

Ilaqutariinnut pitsaasunik sammisaqartitsinikkut meeqqat inuunerissusaat ineriartornerallu nukittorsarneqassaaq pingaarutilittullu misigilersitsissalluni. Taamaammat Red Barnet ilaqutariinnik sanngiiffilinnik sammisaqartitsinissamut aqqissuussisinnalersillugu aningaasaliinissamik STARK-ip toqqaasimanera Kalaallit Nunaanni Red Barnet-imi nuannaarutigaarput. Akornuteqarani isumassarsiullaqqissuseq atorlugu sammisaqarnissamut katerisimaarnissamullu periarfissiisoq pinngortitami ingerlanneqassaaq, kiisalu ataatsimoorneq ilorrisimaarnerlu qitiutillugit illup iluani sammisaqarneq ingerlanneqassaaq. Sammisassat angajoqqaatut piginnaasanik nukittorsaaqataassapputtaaq siunissamilu angajoqqaat meeqqallu ataqatigiinnerannut nukittorsaaqassallutik.

” STARK-ip Kalaallit Nunaanni Red Barnet-imi suliatsinnik tapersiinera qujamasuutigeaarput. Suliniutinut atugassanik taama amerlatigisunik aningaasaliinikkut pimoorussineq takutitaa qujamasuutigaarput. Meeqqat imminnut naleqartinnerat annertusiniarlugu meeqqat angajoqqaallu imminnut qaninnerulernissaat” Kalaallit Nunaanni Red Barnet-imi ilaatigut suliniutigaarput, Kalaallit Nunaanni Red Barnet-imi siulersuisuunerni siulittaasoq Jonna Ketwa oqarpoq.

## **Ataatsimoorluni iliuseqarneq**

Kalaallit Nunaanni Red Barnet-ip STARK-illu suleqaatigiinnerat 2016-imi aallartippoq Kalaallit Nunaannilu inuiaqatigiinnut peqataanissaq kissaatigalugu pilersinneqarluni. Ataatsimoorussamik suleqaatigiissuteqarnikkut pitsaasunik angusaqassaagut.

” STARK Kalaallit Nunaat nunatsinni sulianut assigiinngitsorpassuarnut tapersersuillunilu- pingaartumillu najukkani meeqqat inuusuttullu navianartorsiortut ilaqutariillu pissakitsut ikiornissaat qitiutillugit- sulianut peqataavoq. Taamaammat suleqateqarsinnaaneq pissusissamisoortoq pillugu Kalaallit Nunaanni Red Barnet attavigaarput. STARK suliffeqarfiuvoq Kalaallit Nunaanni inuiaqatigiinni aallaaveqartoq, taamaammat suliniutinik taamaattunik tapersersuinissaq pissusissamisoorluinnartutut isigaarput ” STARK-ip immikkoortortaani pisortaq Lars Frandsen oqarpoq.

Suliniaqatigiiffik pillugu paasissutissat sukumiinerusut nittartakkami  
www.redbarnet.gl imal. <https://www.facebook.com/Meeqqatikiortigit> alakkarlugu  
pissarsiarineqarsinnaapput.